

佛山忠義鄉志卷十七

鄉禁志

目錄

禁鄰堡開涌

禁修基越派

靈應祠廟舖還廟

撥舖給流芳祠祀典

官埠碑示

貯廟租建義學

禁頒胙

禁另戶詭寄胥役勒規

禁設硝廠

核定正埠章程

廣儲義倉

准復鄉飲

流芳祠二渡奉准

禁番攤賭坊

清涌碑示

文閣前北坦田照

禁佔築涌河埠路

禁拆賣祠墓

佛山忠義鄉志卷十七

鄉禁  
序例

一

禁正埠私佔踞擺

禁山棍盜墳

清庄告示二道

禁花子強索規則

修基告示

國家有法律因有號令古者司寇掌邦禁率其州長黨正與民讀法卽鄉禁所自始有清承歷代之舊州縣各立申明亭拆毀者罪之所以禁民爲非者備至故夫有通行之禁令有特設之禁令特設者各視其鄉俗之所宜以爲世守求之憲政而合不以今昔殊也舊志有鄉禁一門皆關鄉中利弊由士民請官核定刊載碑石彙纂成編用意深遠第以年代爲次往往一事兩禁隔越編幅尋檢不便因次第其目列于志首及其書旁凡各類之有禁示者注明是類之後新收者附焉例如明法指掌其詳也蓋慎也不必以吏爲師惟以去籍是懼歸吾視諸故府視此而已治法治人相須

爲用穆穆科條九鼎同重作鄉禁志第十七

清

禁鄰堡開涌碑示

廣州府爲鑿河通海蠹國殃民叩天批示嚴禁急救億萬生靈事  
隆武二年四月二十四日奉嶺南兵巡道憲牌奉兩廣軍門平粵  
伯丁批據鄉紳舉貢監生員里排耆老馮球霍得之劉士斗彭繼  
先李大宗等呈前事稱粵東之害莫大於西北兩潦淹浸又莫大  
於海賊出沒按瑚邊街邊嶺岡三山大沙大江石碛等處一十餘  
堡地勢平洋人家稠密古稱廣州犄角形勝來龍原繇寨邊渡海  
入瑚邊至矮岡頭分股左繇張槎經寺邊田心羅播三山嶺岡入  
佛山轉西華至石碛爲左股之盡龍右繇大江大沙清水弼唐竹  
坡赤硃崗小墓大墓轉來祥石灣至砂岡潘村瀾石石頭深村奇

佛山忠義鄉志卷十七

鄉禁

二

禁鄰堡開涌

槎爲右股之盡龍其左股三山嶺岡一帶向係耕農秧地縣誌並  
無涌洛上而大沙清水弼唐聖堂等山萬姓祖宗墳墓俱以其爲  
堂局下而佛山石碛奇槎平州各縣數百鄉村人民億萬田畝粒  
食又藉其高壟阻禦漲潦屢奉撫按司道嚴禁私開河洛歷千百  
載並受甯宇無奈田心張槎二村奸宄出沒妄意變更萬曆末年  
已圖開濬弼唐里保知其出穀接濟澳夷遂呈禁止崇禎八年霸  
基種樹壞人風水眾慮議呈幸天嚴惡電火焚稿今經日久故智  
復萌前月內鼓眾開涌起自三山嶺岡羅播羅埠寺邊左通街邊  
大海右通獨樹巨河不顧二縣數十堡能免兩潦之患全賴三山  
嶺岡等處一帶高田屏衛若使廣開涌洛潦水必建瓴直下滔天  
巨浸人民淹沒五穀失收國家糧餉憑何輸納且近來海賊縱橫  
幸獲安堵亦因涌洛不多易于防守若田心三山等處任其大行

濬淪數里通津誠恐奸歹隨波出沒勾引海賊沿鄉刦掠誰能控制况風水民命所司寺邊嶺岡等處關係各堡來龍諸墳命脉妄加穿鑿卽係斬斷咽喉今射利小民銷坭販賣已俱藉口互相效尤龍家之血脉受傷億萬之性命難保蠹國殃民莫此爲甚球等百十鄉村聚廬錯處豈容緘默幸際天臺留心民瘼只得瀝情聯控伏乞霜威肅法准批巡道給示嚴禁庶億萬生靈更生國家糧餉有賴並乞准將明示勒碑各鄉永垂不朽功德無量等情奉批仰嶺南巡道察報奉批備牌仰府卽察所呈開涌事情關係風水民命該府察確有無利害具詳本道轉詳等因蒙批依行南海縣察報今據該縣申稱行據黃鼎巡司呈繳大江大富張槎土爐等堡里保耆民梁馮羅等結稱結得羅播田心寺邊張槎佛山等地方一帶相連于舊年十一月內果有開挖各堡見得西北兩潦淹

佛山忠義鄉志卷十七 鄉禁  
禁鄰堡開涌

三

浸地方可虞風水有害眾諭已經填復理合從公結報等情呈繳到縣備申到府據此該本府查看得羅播田心張槎等村居民先年圖便利已開鑿涌源彼各堡鄉紳士民慮及風水不利致聯詞控部批道牌行府察遵行據南海縣取具該地保耆民結得前涌先年果有開挖眾諭已經填復等情結報在縣備申到府覆察無異似此無庸別議矣炤前項事情關係生民風水相應給示勒碑嚴禁以杜後萌緣由具詳去後合行給示勒碑嚴禁爲此示諭三山嶺岡羅播田心寺邊張槎各處鄉民知悉務要恪遵示禁不許妄意變更仍前私挖涌源致潦水淹浸傷害民生風水如有故違許各堡鄉民指名具呈赴府以憑拏究重治決不輕貸須至告示者

順治三年

正印

八月初十日給示原呈鄉紳工部郎中霍得之戶部

主事劉士斗光祿署丞李敬問國學博士李象蒙等

名未盡錄

### 禁修基越派碑示

南海縣正堂宋 爲天不敕行豪強藐抗事奉巡撫都察院法批本司呈詳查看得南海縣大富圍南北二圍居民談昌期等呈請通圍協修一案先奉前憲批仰廣州府通判率同南海縣查明責令協修具報嗣經該通判以基圍之設原以防水患衛田禾圍內業戶自應按畝出工脩固以保糧命而均苦樂若任佛山等堡膠執舊例而不協修則險基難固應請批飭勒石永遠遵照等由詳奉憲批佛山等堡是否抗違或有別故仰司速飭確查另詳依經轉行南海縣確查詳報去後隨據該縣詳覆稱查已往之例宜以各修各基歷有成規猶如南海之不能越濟番禺番禹之不能越濟南海一旦創之協修而必欲各堡同工則將來愈起分爭之釁

佛山忠義鄉志卷十七

鄉禁

四

禁修基越派

恐前此之獨脩者今借此協脩必然退縮不往前此之各脩者今強以協脩而終至裹足不前彼此推諉卒無成功在佛山等堡相隔數十里之遙似難協脩等由到司當查該縣所詳與通判原詳互異未經查勘終屬疑似又經駁行該縣確勘去後茲據勘覆稱大富基圍週圍約六十餘里其形如箕四圍皆水大富堡居箕之口大江張槎兩堡各居箕之邊土爐一堡則居箕之腹魁岡堡則居箕腹之下其南箕尾則爲深村堡其北箕尾則爲佛山堡溯其水源自西而東遙吞大富箕口使此箕口必藉築基堵截則此基誠七堡利害攸關難辭均脩之責幸天造地設生一王借岡爲之砥柱箕 遂分一江爲兩江分北者北流分南者南流則箕口遂遠無恙水順基行非直冲圍內卽此基間有崩決是爲側入之水地勢旣平水勢亦平害不及遠且圍內江山錯雜竇口洩水仍歸

外河不能盡淹各堡田廬查大富堡有七村每年惟大富瑚邊之民脩補不惟各堡有各脩之基者未幫即居中無基之土爐堡亦未有幫近而大富堡之各村亦有幫有不幫但大富之基較各基高厚而功倍又係沙土視各基頗險今議大富堡內向未幫脩之各村及最近居中無基之土爐堡均應協脩其次大江堡雖有基而其實少且逼近大富亦可協幫其張槎佛山魁岡深村等堡皆有各脩之基而去大富之基甚遠不應協脩至不應協脩之民或置買大富基內田土者亦應照田均幫不得執各堡遠居之說槩論等由並繪圖前來本司覆查此案該縣踏勘既確而所議尤妥足見留心民事各屬指不多屈但大江一堡基圍雖少終與無基有別每年幫修應視土爐堡酌減工料三分之一庶幾得平其餘應幫不應幫均如該縣所議以定章程可也相應據由詳覆伏候

佛山忠義鄉志卷十七

鄉禁  
禁修基越派

五

憲查批示以便轉飭遵照等由奉批如詳飭行遵照繳圖存奉此合行遵照備牌到縣即便遵照毋違等因奉此依經備行遵照去後今再飭行爲此牌仰官攢急照憲批詳內事理即便遵照所議大富堡內向未幫脩之各村及最近居中之土爐堡均應協脩其次大江堡雖有基而其實少且逼近大富亦可協脩其張槎佛山魁岡深村各堡皆有各脩之基而去大富之基甚遠不應協脩各堡之民或置買大富基內之田土者亦應照田均幫不得執各堡遠居之說而槩論至大江一堡圍基雖少終與無基有別每年幫脩應視土爐堡酌減三分之一限文到三日內取具各遵依甘結繳報本縣查考毋得有違

康熙五十七年六月初二日

陳志

靈應祠廟鋪還廟碑示

南海縣正堂宋 爲廟業恩斷還廟乞天給示勒石以垂永久事  
現據舉人梁叶千李紹祖陳清傑李煥陳文炯貢生鄭紹勳洗湛  
霍登元監生霍游鳳黃上泰生員李錫珽岑尚豐黃國紘霍世榮  
里民梁萬履陳祥黃應同岑永泰梁修進等稟稱梁圖首告梁翰  
章簡熊子等踞業欺神叶千等以備歷吞舖確據等事覆明在案  
荷蒙仁台洞燭前情將排後竇塘地上蓋廟舖九間斷還入廟永  
遠收租廣祀仍著殷實忠正受人收支毋致侵欺斧斷之下輿情  
允協闔鎮謳歌但恐歲月因循復生覬覦只得聯懇天台給示勒  
石著令各佃照額輸租毋得踞舖指阻任由短少至嗣後輪管務  
遵公舉受人收支留存聽眾稽查庶神享千秋恩流百代等情到  
縣據此當批准給示勒石在案查先據紳士梁叶千等稟爲備歷  
吞舖確據等事前來經批查甲子乙丑兩年通共贖銀一十餘兩

當築塘搭舖之時自必無可動支則梁叶千等所謂何用捐築乃  
今日之苛論而梁翰章等所稱捐工築塘捐建舖舍收租廣祀乃  
當日之真情但捐之爲言公也梁翰章等身爲會首係廟中之人  
旣以廣祀發願地則廟地舖亦廟舖何乃竊此廟外四方諸人租  
地蓋舖爲業之例于成舖之後概將上蓋入己豈非假公濟私乎  
歷三十年而不覺者神之厚以報其功今一旦羣起而攻之者神  
之使以歸此業也應將從前已往均無庸議所有排後竇塘地上  
蓋舖屋九間斷還入廟永遠收租廣祀仍著廟屬紳士耆民公舉  
殷實忠正受人輪年承管收支賬目毋致侵欺自干神譴梁翰章  
等獲利已多毋再貪吝爭執以期默邀神貺可也毋庸質審立案  
存照各簿發還在案今據前情合就給示勒石爲此示諭紳士里  
民梁叶千等知悉即便遵照將現斷還排後竇舖屋九間以及廟

中一切田土祭業嗣後務擇殷實忠正受人輪流管理查核收支免致侵欺其現住排後竇九間舖佃務遵批斷地係廟地舖係廟舖各宜赴廟承批照額輸租毋得悞聽指使踞舖指阻任由短少致千查究均毋有違

康熙五十九年五月 日

陳志

撥舖給流芳祠祀典碑示

南海縣五斗口司常 詳爲有祠無祀懇批著賜以慰前功事雍正六年十一月奉署南海縣正堂加三級蔣批據里民梁廣菴倫聖儀等稟前事稱前朝正統年間強賊黃蕭養圍掠佛山通鄉無策民祖梁南園等二十二人赴北帝廟杯卜神許拒賊捐糧助餉督率壯練設法防守復藉神威赫濯披髮現身星旗耀敵賊畏潛退咸沾神佑通鄉安枕祖等聯陳神功特疏具奏前朝敕賜靈應

佛山忠義鄉志卷十七

鄉禁

七

撥舖給流芳祠

祠春秋諭祭祖等亦蒙旌獎在廟右建立忠義祠以垂不朽民祖見廟無祭業議將排後竇等處田宅捐送入廟以爲祀典廟誌可稽迄今滋積租利每年約計三四百金豐祀之外仍有餘溢而民祖有祠無祀神人難忍况莫之爲前雖美弗彰莫之爲後雖盛弗傳現今廟有餘資豈忍祠無祀典勢著聯懇仁天金批著令紳衿耆老量給豬羊祭品俾民等子孫春秋祭奠先人獲償前功一筆陽春公侯萬代等情上稟奉批仰五斗口司傳集衿耆確查妥議詳奪印發到職奉此卑職遵卽傳集通鄉衿耆在廟公議去後隨據紳士譚會海梁叶千黃國鈺洗湛梁緒祐洗上蓮陳元佐梁國選梁儀舜龐上樞梁應璘梁瑾梁貽何士起梁應珠梁調元梁鰲梁國輔洗重黃上科陳國煥等稟爲遵依回覆籲天賜詳事稱蒙臺奉縣臺批據梁廣菴倫聖儀等陳爲一件有祠無祀等事奉批

傳集衿耆確查妥議詳奪海等遵傳赴廟眾議查得正統年間逆賊黃蕭養圍掠佛山伊祖聯同二十二人捐糧防守藉神現身退賊致蒙敕賜封靈應祠春秋諭祭伊祖旌獎忠義建祠廟右但伊祠確無祭業凡遇春秋子孫科斂祭奠而今靈應祠每年租利祭祀之外實有餘溢致菴等有祠無祀具陳况稽廟誌排後竇等處伊祖子孫俱有捐送入廟現排後竇地一所建得舖屋二十八間菜塘二口糞地二段共租銀貳佰餘金今眾查議就將排後竇舖第一間滿盈店現租銀二十五兩令伊子孫收租俾二十二公永遠得藉供祀庶見前功不忘卽捐送之義亦不忘矣蒙傳查議合遵回覆伏乞賜詳覆奪合眾歡忻等情前來據此隨該卑職查看得梁南園等正統年間逆賊黃蕭養圍掠佛山是時園等二十二人捐糧設法堵禦後仰藉神恩赫濯賊畏潛退聯陳特疏具奏

佛山忠義鄉志卷十七

鄉禁

八

撥舖給流芳祠

前朝奉敕賜靈應祠春秋諭祭卽園等亦蒙旌獎在廟右建立忠義祠今菴等追思念切致以有祠無祀具陳憲臺蒙批仰職傳集衿耆確查妥議詳奪卑職隨卽傳集衿耆人等據稟僉云俱稱正統年間逆賊黃蕭養圍掠佛山委得其人况園等子孫各有田產捐送入廟今竟有祠名而缺失祭菴等亦依依念切議將排後竇舖第一間滿盈店租銀二十五兩俾春秋二祭每公均沾裱帛餘資聽令伊子孫收租供祀籲懇前來似屬妥協但卑職微員未敢擅便今應否出自憲恩統候批示遵行非卑職所敢擅便也等由到縣奉批查勝朝正統年間逆賊黃蕭養圍掠佛山居人梁南園等捐糧集眾協力守禦義氣所感神顯威靈俾一鄉安堵無事至今民崇神功愈不能諼公之忠義但當年雖奉旌獎建祠尙未議及祭典宜菴等有給資設奠之請也茲據該司詳據紳士耆民議

覆前來應順輿情合將排後竇舖第一間店租銀二十五兩撥給公等子孫收租永爲忠義祠春秋供祀以昭前功可也此繳計丈排後竇海便舖第一間地稅三分載在佛山堡二十圖又一甲靈應祠戶內流芳祠子孫收租永遠辦納糧務

雍正大年四月二十六日勒石

官埠碑示

南海縣正堂劉 爲俯准碑諭勒石以垂永久事雍正九年七月紳士何際時等具稟前事稱情由宦孽霍文元等控佔佛山忠義鄉汾水正埠渡頭蓋舖包塞炮眼茶亭示亭一案雍正九年四月內控蒙仁臺賞示飭禁迨六月三十日復蒙親勘炮眼蓋舖包塞隨蒙硃諭內開閘內右傍舖面與閘內中間偏廈一間本應拆除但查己歷數年姑准暫存如有倒壞不許修建聽其自銷可也碑

佛山忠義鄉志卷十七

鄉禁  
官埠碑示

九

中稅地字樣鑿去以杜後爭等諭但閘外舖面建自雍正五年閘內中間偏廈一間原屬示亭被佔作舖包塞諭令自銷敢不凜遵誠慮日後不毋修建又復各阻興詞瑣瀆况炮眼原衛地方設立安不忘危洪恩出自仁臺俯准硃諭泐石以垂永久理合抄粘硃諭稟明金批恩准以便遵行爲此稟赴等情連粘抄本縣於本年六月三十日順道勘明硃諭勘得汾水渡頭乃往來官埠固不得指爲霍姓稅業卽閘內一亭地居中央亦不得引爲霍姓祖遺也况查亭爲遠客所建其爲公物又屬知名之爲茶亭名之爲接官亭俱無不可人人得而坐立人人得而修理之惟在人之好義與否耳嗣後此亭永爲公物霍姓與眾紳士俱不得專擅其美願新脩葺者稟官而後行至于閘外不許擅置一木私起片篷該保長仍不時拆除勿令作踐致礙登涉敢任意污穢者稟明究懲至

閘外右傍舖面與閘內中間偏廈一間本應拆除但查已歷數年姑准暫存如有倒壞不許修建聽其自銷可也碑中稅地字樣鑿去以杜後爭先此諭仍候立案在詞到縣據此當批如請勒石以垂永久可也在案合示泐石爲此示佛山堡士民何際時等知悉即便遵照將佛山忠義鄉汾水正埠馬頭永爲官埠霍姓不得藉稱稅地冒列清查冊內舊址流通炮眼以衛地方至於閘之內外埠邊舖尾不許擅置一木私起片篷而茶亭示亭不許停置什物攤擺簍笠樵果堆積渣皮壅塞以免阻礙灣泊往來餉渡商民船隻登涉敢有不遵仍蹈前轍者許爾紳士耆民卽行據實指名稟究該地保長仍須不時掃除以免堆積污穢各宜凜遵毋違

陳志

### 貯廟租建義學碑示

南海縣正堂魏 爲貯廟租建義學事乾隆二年十月二十七日

佛山忠義鄉志卷十七

鄉禁

十

廟租建義學

奉署理廣東巡撫都察院王批據前任佛山王同知申詳據佛山鎮約正李懋諧稟首里民陳金望等侵蝕靈應祠租銀一案當經卑職弔查遞年收支數目底簿與碑載額租不同顯有侵蝕情弊隨將各數簿檄發南海縣查追去後茲據南海縣喚集質訊據里民陳金望等雖供收支廟租並無侵蝕但查碑內開載額租銀三百九十一兩九錢零今陳金望等止供認約收三百二十餘兩此中已見其匿多報少且查各里民遞年收支數目多係不經之費如每年新舊交盤輒設酒席數十醉口肥家又於春秋二祭里民年登七十除設酒百餘席宴飲外每人另給銀壹錢其值年首事頭人除週年飲食不計外每人每日又給工銀叁分習以爲常而各紳士不與焉非侵蝕糜費其誰信之卑職查佛山地廣人稠土著僑寓讀書之家正不乏人從未有設義學延師教讀又查靈應

祠建立年久廟貌將圯脩葺孔亟請飭令通鎮紳士里民作速會同公舉殷實品望八人董理其事將歲收租銀三百九十一兩九錢零除春秋二祭及帝尊壽誕出遊併香燈各項照舊動支外尙有贏餘先爲修葺廟宇若能遞年撙節蓄積卽建設義學一所延師教讀酌給薪水之資以有用之廟租留辦佛山鎮公事未爲不可但不立法收支終爲士民侵漁應令公舉殷實品望之人自乾隆三年起每月應收租銀報明卑職著令公貯若有支用許卽先期稟報諭給不許遲悞年底仍將收支總撤細數造冊繳查以杜冒收濫支情弊其值年里排不得干與仍立碑廟側永垂遵守至約正生員李懋諧收過酬勞銀拾兩二錢五分係各里民公送似非染指可比應無庸議今該縣又議將廟租內每年扣除銀十兩除歲首臘月停講外每月宣講上諭公送銀一兩少佐膏伙以公

濟公事屬可行又查各里民自雍正四年起至雍正十三年止查其收支數目多屬冒銷本應究追姑念事久年遠數目煩瑣毋容深求事干地方廟租是否允協理合詳請憲臺察核批示飭遵緣由奉批仰布政司確查妥議核奪繳奉批擬合就行備牌行府仰縣奉此又奉本府信牌乾隆三年三月初七日奉廣東等處承宣布政使司布政使加三級刁憲牌乾隆三年二月二十八日奉署理廣東巡撫都察院王批本司呈詳查得佛山鎮靈應祠廟租銀兩先據前任佛山王同知詳報查明歷係里民新舊輪流傳管多屬冒銷議將廟租銀三百九十一兩零除辦春秋二祭以及帝尊壽誕出遊供奉香燈祭品與鼓樂護送人夫等項之用於二百兩內又支銀十兩爲遞年宣講約正值月舟資飯食之需其餘留爲建設佛山義學延師脩脯之費至於收支數目每年令佛鎮紳士

耆老會同公舉殷實品望端方八人公同董理毋許仍前侵蝕冒銷等由本司伏查設立義學延師訓誨生童爲振興文教作養人材之盛典廟租餘銀留建義學洵屬美舉似應俯如縣府所議飭令次第詳請舉行所有租銀亦應如議令紳耆公舉八人董理其事將一切收支公同登記盡歸實用倘有侵冒詳報究處至生員李懋諧稟首里民陳金望等從前冒銷侵蝕廟租銀兩本應追出充公姑念事經久遠且在赦前亦應照府所請免其深究緣奉批行查議事理是否允協合就詳覆伏候憲臺核奪批示以便轉行遵照辦理緣由奉批如詳飭遵繳奉批擬合就行備牌行府仰縣照依事理即便遵照飭令佛鎮紳士耆老會同公舉殷實品望端方八人公同董理毋許侵蝕值年里排不得干與以本年爲始將歲收廟租銀三百九十一兩零內支二百兩爲每歲春秋二祭以

佛山忠義鄉志卷十七

鄉禁  
廟租建義學

十二

及帝尊壽誕出遊供奉香燈祭品與鼓樂護送人夫等項之用於二百兩內又支銀十兩爲遞年宣講約正值月舟食之需尙餘銀一百九十一兩零留爲脩葺廟宇建設佛山義學延師教讀脩脯之資其一切事宜逐一次第詳請舉行倘有仍前侵蝕冒銷立即詳報究處仍立碑廟側永垂遵守取具遵依碑摹繳查均毋有違等因奉此除著令佛山鎮紳士耆老遵照奉行外合就揭示立石爲此示仰佛山紳耆人等知照即便凜遵毋違須至立石者

乾隆三年九月 日立石

陳志

### 禁濫頒胙碑示

特調廣州府南海縣五斗口司加一級王 爲剴切曉諭事照得廟嘗祀租自應撙節蓄積以待正事之用豈任意銷散徒飽口腹之私今靈應祠春秋二祭分頒胙肉一項經奉前縣憲張飭令節

省給示禁止本年春祭霍璋如等違禁頒胙又經縣憲訪確行令將霍璋如等一概責革交著紳士李成勵等承理此誠上憲明察奸弊釐正祀典之至意本司職臨斯土敢不敬承恭惟北帝神威赫濯海宇咸尊獨我佛山名稱祖廟胡自昉乎毋亦有佛鎮之初我北帝威鎮其間屢著靈應祐庇蒸民鎮人尊而親之爰稱其廟曰祖如人家之有祖稱其堂曰祖堂也里排其執是故有飲福分胙之意耶不思北帝聲靈顯赫福善禍淫洋洋在上鎮攝斯民無遠弗屆迄今梯山航海而來者香煙血食靡不望祖廟薦享而輸誠則謂廟爲合鎮之祖廟也可卽謂廟爲天下商民之祖廟也亦無不可區區里排甯足盡其遠宗近祖之義也哉體此而如以福胙當頒則凡闔鎮紳耆士庶遠商近賈誰其不應而乃獨爾里排受茲福胙於以普神休則狹小北帝之聲靈於以崇祀典則阻抑

佛山忠義鄉志卷十七

鄉禁  
禁濫頒胙

十三

眾姓之昭格况此項祀租營業倡之爲誰助之何人其中抒誠樂舉者原有遠圖未始爲爾里排後人充腹而設則分胙一事早已實應節省今承前縣憲示禁分憲屢諭節省花銷誠法良意美也茲秋祭在邇首事李成勵等自遵示禁不肯仍循舊習第恐無知里排狃執故陋妄肆讒言不惟不明于義抑且有瀆于神更不知一時之口腹可娛廟租之虧缺何堪將來修飾廟宇或別有正用更何所恃合再示諭爲此示諭闔鎮里民人等知悉合宜洗除陋習務遵示訓倘有仍執私見或暗行匿帖妄生異議一經訪聞定卽嚴拿詳究決不寬饒各宜凜遵毋違特示

乾隆二十二年八月初五日

佛山堡二十圖奉斷禁另戶陋規碑

特授南海縣正堂加七級紀錄七次卓異候陞常 爲查照呈明

乞准勒石以垂永久事現據佛山堡二十圖殷丁一甲梁奏南二甲梁善萬三甲霍昭憲四甲霍源五甲陳昭元六甲梁滔仲七甲盧添洲八甲岑大璘九甲梁沂長十甲梁位三等稟前事稱該圖十甲銀米歷遵早完並無遲悞緣詭寄圖未之林琳等抗延積欠致奉催呼及查實徵册房匿不與聞圖差藉以居奇索累無底不已清查徵册具稟幸憲憐察牌諭派書將詭寄圖未之梁仲科一戶撥回佛山堡本圖二甲梁承相戶內林琳唐德興鄧晉陽邵登四戶撥出客籍城西一圖其逃亡之何大崙等立十甲同一柱編征輸納又蒙稟仰糧差區進飭各按照歸戶輸納各等因在案詭寄荷蒙清除陋規亦應照免伏查豐岡沙丸沙頭泌冲駱村大欖山南魁岡鹽步大江等堡力蒙前各憲蠲禁陋規示飭上納銀米每油單一張止許收銅錢三文赴抄實征每戶收銅錢三文圖

佛山忠義鄉志卷十七

鄉禁  
禁另戶詭寄

十四

差每圖每年止許收飯食銀一兩俱不得額外多索等因勒石永禁各又在案茲蟻等佛山堡二十圖自願立例遞年銀米分作兩限完納定以四月初旬完納一半七月中旬全完毋庸差催聽較并懇飭令倉糧册三房毋舛漏卯簿毋捐油單毋匿實征毋漁利受寄俾得依限掃數完納圖戶清楚里民無滋累之虞國課有早完之慶只得備列清查條款公呈憲鑒乞准勒石以垂永久實沾同仁之德頂祝公侯於靡既矣等情在詞到前縣據此當經本縣查案批准給示勒石遵守在案合就給示爲此示諭糧倉册三房及圖差人等知悉嗣後該圖甲里民梁滔仲等上納糧米該書卽填油串遵照定例每單止許收錢三文其實征册籍總書抄册每戶止許收銅錢三文留心查對開收實征依時抄給不得指留作弊以及飛洒圖差亦不得多索滋擾止許收飯食銀一兩自示之

後爾等務遵法紀倘敢額外苛求故意指索一經察出或該圖甲告發定即嚴究決不姑寬爾等里民各甲務須照限輸將毋得抗違有悞國課致干嚴比亦不得藉有此示滋生事端各宜凜遵毋違特示

計開條款

一清除詭寄嗣後永不許另戶掛在本圖之末該甲值年殷丁親赴册房清查圖尾有無另戶抄傳十甲倘查不力責在值年如有匿名保結詭寄者及册房刁指隱匿不抄十甲聯名稟究

一早完銀米遞年定限四月初旬完納一半七月中旬照上年實征納楚毋庸票催聽較間有開收未清零欠限自本年實征定日掃數全完不依限投納聽較差費俱係該戶辦理仍另議罰

一領油抄册遵照署前碑載上納銀米每油單一張銅錢三文抄

佛山忠義鄉志卷十七 鄉禁 十五  
禁另戶詭寄

實征册每戶銅錢三文係該甲現年殷丁捐辦倘有嫌少指留實征匿沈油式以及舛漏卯簿誣開粘單捏欠囑差擾累十甲聯稟

一圖差飯食遵照署前碑載每年每圖該銀一兩係該甲現年殷丁捐辦倘有嫌少藉端苛索勒取頭限二限派費併簽我重索以及轄送節禮十甲聯名稟究

乾隆四十二年八月初一日示發仰佛山堡二十圖一甲梁萬履二甲梁相三甲霍日高四甲霍貴五甲陳進六甲梁永裔七甲盧承德八甲岑永泰九甲梁修進十甲梁永標等勒石值事梁萬邦等仝立

按乾隆四十三年一百一十六圖何厚貴等乾隆五十一年二十一圖區廣德等先後爰案稟准勒石示禁大畧相

同故不復收錄事關闔堡糧務至今遵行無異例得照存

### 禁設硝廠碑

乾隆四十九年九月內有

李潤漢  
馮煥

承辦高要縣麒麟硝廠瞞稟遷

在佛山柵下河旁設廠未奉詳准遽行築造闔鎮紳耆行舖人等以其干礙水道貽害無窮各聯名上控蒙憲批飭禁押拆永利商民並准錄批勒石以杜後患今將呈詞憲批謹列於後具呈舉人區宏緒等稟爲聯叩憲恩飭遷硝廠以通水道以利民生事切佛山水道上接西北兩江自黃鼎沙口兩岸基圍夾水直抵正埠止有小河橫出分洩什之一二自此抵柵下五斗口汛外始有眾流分散水勢碑圖可按是柵下直接數十里上流每遇潦漲人不安枕本年基圍幾於潰決今被馮煥等瞞稟突在柵下河邊買田數畝建設硝廠現行工築忖思廠前之河潮退時闊僅十餘丈深不

佛山忠義鄉志卷十七

鄉禁

十六

禁設硝廠

過三尺且河心現起沙坦方憂阻塞若更設廠煎硝殘泥堆積田面必成土岡河道愈加淺窄西北潦漲下流壅遏上流益增其勢基圍潰決不待知者而知也蕩析離居禍不旋踵其害一佛山四方雜處田少人多惟仰食他州之穀潮退冬涸沙口不能通舟穀船必迂道數十里由柵下始得至埠倘此處淤淺則穀船難通民食奚賴其害二佛山百貨所萃眾藉營生此水淺塞各省貨難至埠四鄉渡亦難通生理立見蕭條居民將歸遊手其害三佛山南便一帶涌濬現稟請疏濬以備蓄洩荷蒙大憲飭催前縣特勘詳在案倘外河日淤一遇旱潦田禾立受其殃是居民方思興一水利不意硝廠先增一水患也其害四佛山民居稠密地近富庶每爲賊黨窺伺從前盜案累累近蒙大憲弭盜安民倘此廠一設恐有匪黨假冒泥艇夜行難於稽察其害五緒等覩此剝膚災近欣

逢大憲留心民瘼弭患恤災豈容此廠貽害爲此刷圖聯叩憲轅伏乞俯准飭遷外地庶上不悞軍需下不貽民害人戴二天公侯萬代爲此切赴大人爵前恩准施行四十九年九月二十八日呈撫憲孫批柵下建設硝廠是否有礙水道民居仰布政司併查覆奪碑圖並發十月初一日復呈署督憲孫蒙批馮煥承開硝廠以後訐控紛紛區宏緒等又以干礙水道出而呈告似係實有不便民居之處仰東布政司併查妥議速詳毋任延悞十月十三日里民梁萬邦等以一件抗批築廠等事呈撫憲孫蒙批是否實情仰布政司併查詳奪十月二十四日白蠟公行龔萬和等以一件披陳下情等事紙行王恆有等以一件叩憲飭遷等事鐵鍋爐舖行陳鼎茂等以一件一廠設百商俱廢等事各呈署督憲孫蒙批馮元斯呈揭示現據司詳批飭確查另議靜候詳覆飭遵毋瀆龔萬

和王恆有陳鼎茂等呈並發十一月日蒙藩憲議詳佛山紳士區宏緒等以柵下建廠有礙呈控茲奉憲批飭均以設廠必須杜絕走私隨查柵下建廠煎硝其地枕近佛山炮竹舖多誠恐走漏私售一經憲臺指飭燭照無遺與其防範於事後孰若遏絕於未然柵下地方應不准其建廠等因奉督憲舒批馮煥呈揭示現據藩司議詳柵下枕近佛山不堪建設硝廠爾原頂麒麟廠硝額無多儘可在高要地方辦理批回遵照在案毋再多事致干嚴究又奉撫憲孫批馮煥呈揭示爾前請設廠柵下原圖便於私售並非急公經本部院察出情弊駁飭頂辦麒麟舊廠甫據司詳旋以泥盡告退試問該縣准柵下設廠時爾尙力任兼辦扶南十餘萬之硝未據呈稱泥匱今只令辦麒麟原額輒云絕無可採其誰信之況陳泥原係四處購覓並非專資肇屬何得假借藉口益徵捏飭候

飭縣差拘遞赴高要縣押令卽刻收復爐灶領帑興煎如敢玩悞  
定行重究十一月二十八日具呈舉人區宏緒等稟爲害除民便  
聯謝鴻恩併懇俯准勒石以垂永遠事切佛山一鎮面繞官河中  
分二十四舖汾水大基柵下三舖皆枕近河旁商賈輻輳舟楫如  
織而河道則上接西北兩江夏潦每虞泛漲在柵下尤爲消洩要  
津稍或淤塞水涸則難通舟楫潦漲則淹沒田廬詎有馮煥承辦  
麒麟硝廠圖便私售竟在柵下河旁買李睿夫實田三畝三分新  
築廠宇不顧殘泥卸塞河道貽害無窮緒等切膚情迫具以一件  
聯叩憲恩等事赴稟大憲蒙批馮煥承開硝廠以後訐控紛紛區  
宏緒等又以千礙水道出而呈告似係實有不便民居之處仰布  
政司併查妥議速詳毋任延訟緒等遵候議詳飭禁茲奉大憲批  
發馮煥呈詞揭示現據藩司議詳柵下枕近佛山不堪建設硝廠

佛山忠義鄉志卷十七 鄉禁 十八  
禁設硝廠

爾原頂麒麟廠硝額無多儘可在高要地方辦理批回遵照在案  
毋再多事致干嚴究捧誦金批仰見大憲子惠元元至意眾害喜  
除羣心感戴惟是馮煥未奉批准之先已肆行築造迨藩憲議詳  
飭禁猶不將廠宇拆除誠恐仍懷覬覦理合聯情叩謝鴻恩更懇  
恩溥萬全俯准錄批勒石杜絕後患俾一切貪圖射利淤塞河道  
者永不敢稍存興建之念則闔鎮商民常得安枕而甘棠遺愛百  
代不磨矣爲此聯赴大人爵前恩准施行奉撫憲孫批准勒石仍  
候行司轉飭將廠押拆以淨根株各名末及全錄

核定正埠租項章程碑示

特授廣州佛山海防督捕水利分府加五級紀錄四次葉 爲遵  
諭呈明乞恩賞示勒石以垂永久事現據舉人勞潼舉人國子監  
學錄霍超士副貢生候委教諭李鳳陽生員張遇陽區應魁陳紹

兼洗湘李天達葉楚華簡居葉瓊華勞作棟監生陳君秀楊惠鵬  
曹應也曹汝煒耆民楊知士梁聖宗等呈稱佛鎮汾水正埠馬頭  
閘內外所有估築舖舍前奉府憲訊詳列憲飭令拆除歸還公眾  
合鎮紳商樂捐修築閘門內外兩傍無礙行人處所仍用木篷搭  
蓋舖舍以便往來船隻採買物件各舖舍現禡年共投得租銀貳  
百叁拾兩還楚今歲適當三年期滿除還會銀及燈油神誕閘夫  
工食書院開會文武社祀典並豎碑各費外所有餘銀及後租銀  
應請如何支用庶免私批侵漁之弊茲奉憲面諭著生等將租數  
逐一稟明所有餘租撥修義學以後遞年租銀除支用外有餘則  
擇地建屋買穀積貯遇歲歉則稟請賑給賜批賞示以垂永久闔  
鎮士民實荷鴻恩等情連粘租單一帑遞年應用章程一紙前來  
據此當批汾水官地捐築收租藉充公費遞年所收租項若不議

佛山忠義鄉志卷十七

鄉禁

十九

核定埠租

定成規難免私批侵漁之弊茲據開租銀數目支銷章程均經閱  
悉餘銀亦應籌著因書院乃文人萃會之區必須學舍廣闊牆壁  
完固始足令人興大雅之思况佛鎮鴻儒鵲起多士蟬聯尤宜丹  
青式煥以見崇儒立教之意所有餘租儘先修理隨後擇建倉屋  
儲穀待賑俾無業貧民不使一夫失所仍候給示勒石以垂永久  
該紳士等樽節妥辦毋負本分府情殷膠序念切窮黎可也粘單  
存在案合行出示爲此示諭該紳耆司事人等知悉嗣後正埠官  
地舖舍後開租銀及應用支銷章程遵照批內事理妥協籌辦並  
勒石豎碑永垂不朽該司事仍將每年收支數目於歲底列明標  
查毋稍濫費特示

### 廣儲義倉碑示

南海縣正堂加十六級紀錄二十次卓異候陞彭 爲義倉告竣

廣儲民食聯叩給示以垂永久事現據佛山舉人李天達區宏緒國子監學正勞潼武舉黃光漢黃大綱鄉正生員張遇陽生員袁象天李應樞陳紹兼余文監生陳君秀梁時吳承泰耆民龐尙賓倫燦高黃仕林李自天呈稱切佛山十堡設有社倉遇荒捐賑稟請憲示盡出社穀散給賑後仍將備捐銀兩買穀還倉章程久定但領賑至六萬餘丁社穀止一千四百石又出納動需稟官恐賑糶有稽時日是以達等於乾隆六十年十一月內稟請藩憲府憲分憲縣主議建義倉以佛鎮通鄉稅地汾水正埠馬頭閘內兩旁餘地捐資建築小舖十間每年所得租銀除鄉中支撥祀典書院會課外約有羨銀壹百餘兩每年秋成添買穀石儲倉以待散賑經前縣主李詳奉督撫列憲批飭給示勒石遵照在案惟是正埠馬頭各舖租銀每年共計羨銀壹百餘兩止可買穀壹百餘石其

間曬晾看倉工食俱從此租而出尙恐歷年積貯究屬無幾尤須隨時設法廣儲達等仰體列憲規條正在悉心籌辦適本年六月二十五日遭風埠內船戶彭恒高等船艇多被破壞無從開擺資生哀求泣訴情堪憐憫達等再四籌維將去年佛鎮修造靈應祠神廟宇士民捐輸工費現有羨餘銀兩交與船匠購材鳩工裝造船隻備應彭恆高等租賃以資生計遞年輸還租息仍入義倉公項買穀添儲不獨各船得藉營生免至流離失所在義倉亦有裨益更可惠濟無限窮黎卽鎮外對河文昌鷹嘴兩沙亦得一體按戶賑恤但恐日久弊生棍惡覬覦滋事有負義舉達等正在購工勒石幸逢仁臺下車伊始首重民食合將佛鎮義倉告竣廣儲情由聯稟臺階伏乞查照列憲批飭案由賞示勒石一體與各憲敘銜則善作善成前恩與新恩並垂不朽矣等情到縣當批添建義

倉廣儲民食洵屬善舉茲復以廟中餘羨置備船隻使桑梓貧黎藉資生計具見該紳士好義可風實堪嘉尚候卽給示勒石以垂永久抄粘附卷嗣查本案前據該紳士等議請將乾隆六十年捐賑盈餘及佛山汾水正埠通約舖租遞年餘羨銀兩添建義倉買穀積貯以備歲荒賑糶出納俱聽民便毋庸官爲經理等由詳奉兩院憲批行給示泐石遵照在案茲據該紳士等以義倉落成其正埠舖租餘羨有限每年秋成添買穀石無多佛鎮地廣民稠尤須隨時設法廣儲以備不時查汾水正埠橫過之文昌沙鷹嘴沙二處本年有蛋戶彭恆高等遭風無力置船開擺該紳等議將上年修造靈應神廟士民捐輸工費餘羨銀兩裝造船隻租於遭風蛋戶開擺藉資生計所取租銀仍彙併正埠舖租一體買穀歸倉以資廣儲等情洵屬以公辦公一鎮二沙均沾實惠但事在創始

佛山忠義鄉志卷十七 鄉禁 一二十一  
儲義倉

保無土豪岸棍從中覬覦或藉埠頭名色或借附近廟宇香燈爲詞暗裏抽分或串無賴貧民蛋婦恃憊強攬更有冒稱衙門差役更保以及棍徒小醜往來充斥故爲擾害均未可定亟應嚴行查禁合行出示曉諭爲此示諭闔鎮居民人等知悉自示之後所有正埠一切舖租以及現在租賃艇隻銀兩悉聽該紳士等照數收存彙俟秋成買穀歸倉毋許阻撓該紳士等無非未雨綢繆備荒起見實於窮黎蛋戶兩有裨益凡爾等埠內蛋民卽應遵照赴廟輸租開擺按期交納毋得拖欠庶免紳士稟追悔之無及倘此番示禁之後仍有前項不法匪徒膽敢藉端滋擾許爾等蛋戶人等投明紳士密稟拏究該紳士等亦宜矢公矢慎務期垂之永久庶不負本縣軫念民食惠愛窮黎之至意也各宜凜遵毋違特示

嘉慶二年九月十五日

准復鄉飲碑示

太子太保兵部尚書兼都察院右都御史總督廣東廣西等處地方軍務兼理糧餉世襲散秩大臣騎都尉覺羅吉 爲曉諭舉行鄉飲事現據佛山忠義鄉老民陳啟賢等呈稱切佛山一鎮嶺南都會僑士皆知自前明正統年間海賊猖擾入寇佛山耆老各捐糧糈率子弟出敵蒙北帝尊神顯靈護助退賊有司疏聞勅廟爲靈應祠封佛山爲忠義鄉春秋諭祭至今不泯惟思靈應祠原有鄉飲支費出在廟租不用庫項爲勸善儆惡之至意里民年登七十宴飲于鄉歷百餘年不易因前值事廢弛缺有數十年來忖思耄耄期頤杖鄉杖國自古皆重况太上皇帝曾賜千叟宴又本年蒙大憲著府學親臨佛鎮宣講訓諭以教化于斯民今佛鎮諸色人等往來繁雜正宜敬老推賢以肅風化攻匪逐賭以除盜賊且

佛山忠義鄉志卷十七

鄉禁 一十二  
復鄉飲

上古廟嘗輕微尙有鄉飲而今比上有奇豈可終廢上年經陳而樂呈請楊分府蒙批候飭值年紳衿查照復舉後又給示啟賢等張掛廟前現又蒙李分府批照舊舉行等諭前後各呈在案而值事推延相待竟至日久未行只得瀝情稟請大憲恩准賞示曉諭飭著值事早行鄉飲俾得老民肅整鄉規地方寧謐則闔鎮勒石遵守頂祝無旣等情據此查佛鎮鄉飲之設原以崇祀典而尊齒德此禮難容廢置據呈前由除批揭示外合就出示曉諭爲此示仰佛鎮值事紳耆人等知悉爾等俱係家素封是以舉充值事鄉飲一項禮教攸關務須及早舉行毋論僑居士著如係身家清白持躬端謹之人年登耄耄皆得報名赴廟拈香就席以爲閭里矜式庶幾勸善儆惡仰沐神靈之福永昭養老引年之盛典豈不甚善爾等務宜恪遵古制勒石永垂相傳不朽倘或視爲具文日久

廢弛或致臧否混淆或有不法匪徒擅入攪擾一經本部堂察出定將值事之人及生事之犯一竝查拏究治決不姑寬速宜凜遵毋違

流芳祠二渡奉准碑示

特調南海縣正堂加十七級紀錄十次戴 爲謝恩請示勒石永沾祀典事嘉慶六年十二月二十五日奉廣州府正堂福憲牌嘉慶六年十二月初七日奉布政使司常憲牌嘉慶六年十一月十六日奉兩廣閣督部堂覺羅吉批據佛山流芳祠裔孫霍松作洗良臣洗建章梁耀長洗弈維何奇山梁滔萬梁達禎梁華千梁善萬陳作溢何元華梁遠昭倫瓊廣梁君聖譚拱三梁榮光梁吟長霍榮宗梁英爵霍維新等呈稱松等流芳祠渡額自明正統七年蒙巡按廣東監察御史張大人將在佛往省正二渡額二隻給人

佛山忠義鄉志卷十七 鄉禁 一二十三  
准領二渡

北帝廟香燈至正德八年重修其廟並廣建流芳祠於廟右安奉子姓各祖是追念正統十四年被賊黃蕭養糾黨入境松祖二十二老禱之於神奮勇出敵退賊有功遞至景泰元年蒙左布政使揭大人疏聞於朝因賜佛山爲忠義鄉勅封北帝廟爲靈應祠春秋奉上諭祭至今不泯復賜松等各祖爲忠義士後鄉民立祠廟右名曰流芳撥廟渡額一隻入祠著祠孫取租永爲祀典歷數百年無異佛山鄉誌備載緣由不肖倫燦高藉承渡帖倫日昇名目遂起奸貪認歸自己倫家世承祖業捏伊祖義撥渡息入祠香燈字樣紛紛瞞控串渡夫麥粹武先告倫廣祀誘詞告麥其倫妒轉反控祠等欺佔伊祖渡隻等情如是舞訟圖想奪渡歸囊以致互控三載由縣府藩及分廳詳蒙督撫兩廣大人批准渡仍歸祠著祠內公舉殷實子孫承擺嘗祀有賴其倫燦高麥粹武擬以杖懲

追繳銀帖在案本年四月燦高復又以倫日昇名目瞞控蒙大人  
批斥茲祠內子姓再懇大憲賞示勒石遺政後人俾得遵照刊刷  
等情奉批仰東布政司查案給示等因奉此查本案先于上年九  
月內據該府詳議令梁流享承充佛山往省二渡一隻業經據由  
詳奉兩院批允飭行遵照在案奉批前因合就檄行備牌行府仰  
縣即便查案給示毋違等因奉此查渡夫倫廣祀與梁時燿等互  
爭往佛省二渡一案業奉本府訊議革退歸回流芳祠內眾姓公  
舉梁流享承接詳奉兩憲批行遵照給帖該渡夫梁流享收執並  
飭將倫廣祀等分別折責收贖著追繳麥粹武拖欠租銀入祠供  
祀在案茲奉前因合行給示爲此示諭流芳祠內眾姓人等知悉  
即便遵照嗣後該渡永爲祀典如遇年老退擺承接仍聽祠內眾  
姓公舉殷實子孫承接毋得混行爭佔各宜凜遵毋違特示發仰

佛山忠義鄉志卷十七

鄉禁 一二十四

准領二渡

佛山流芳祠勒石曉諭董理修碑洗作棟霍日盛等全立

嘉慶七年三月十六日

### 禁番攤賭坊碑示

欽命廣東等處承宣布政使司布政使軍功隨帶加四級軍功紀

### 錄四次廣

欽命廣東等處提刑按察使司按察使兼管全省驛傳事務加五  
級紀錄十次秦 爲賭坊業經查封乞恩飭行府縣嚴辦賞示勒  
石永禁事現據南海縣佛山鎮鄉飲正賓前任浙江餘姚縣縣丞  
加捐布政司經歷吳昇運前任四川夾江縣知縣莫應昌等赴轅  
呈稱竊賭博一途最爲民害蓋賭者盜源一入其中亡家破產卽  
爲竊盜之漸佛山人煙稠密五方雜處近有賭棍開設番攤賭坊  
招引農工商賈及良家子弟局賭業經佛山廳暨祁都司及五斗

口司覺察查拏開設未久隨即遍行封禁共計單開一十七處職等隨以一件德政遍施等事稟廳出示嚴禁在案竊思賭坊既蒙查封淨盡惟恐日久懈弛不肖之徒仍復勾串兵役故智復萌則雖禁仍如未禁茲幸大憲蒞闔省軍民欣然向化從此靖匪惡而安良善絕賭博以息盜源比戶可封指日立見理合抄列經封各處賭坊上叩憲恩飭行府縣從嚴查辦給示勒石永禁庶賭棍知所儆戒倘日後再有開設賭坊許鎮內衿耆舖戶隨時稟報究辦等情到司據此查開場誘賭例禁森嚴惟地方官不能認真查辦轉使不法匪徒得以勾結衙門兵役誘賭漁利最爲地方之害除行南海縣將開設賭坊查明封變並移行實力嚴緝各賭黨務獲究辦外合行出示嚴禁爲此示諭軍民人等知悉爾等務安分守法勉爲良民如敢遊手好閑開設攤場聚賭兵丁差役受賄包庇一經訪獲定卽盡法究治至該紳士等均有稽查之責倘有棍徒聚賭滋事及保鄰狗隱許該處紳耆舖戶人等隨時具稟有司嚴拏究辦各宜凜遵毋違特示

嘉慶九年七月十一日

清涌碑示

特調南海縣正堂加七級紀錄十一次徐 爲曉諭開挖涌口以通水道事照得前據職員吳泰來等以佛山地勢南涌北海上流西北兩江之水自大富圍直落柵下海口而去近緣涌河淤塞已將各處疏通惟柵下塔前及炮臺一帶被蔗圍村民唐應昌等藉有海旁田畝任意佔築竝砌石路阻礙下流等情呈請押拆當經本縣親詣勘明斷令唐姓將原買土名柵下北便坦田讓賣與吳泰來等歸眾挑挖開涌所有石路步頭仍循其舊隨據唐應昌卽

唐樂秀等當堂具結吳泰來等亦將田價銀兩備繳在案乃有鄉老何道祥等藉稱該田係屬廟產本村二千餘人公共之業出頭翻控抗不領價立賣以致河道尚未疏通現奉督憲于另案批飭查明前項河口無論是否唐姓眾匪所抗速即傳集紳士會同廳營多帶兵役立限通濬如唐姓有出抗者全行拏解究懲等因奉此除申請佛山分府竝移佛山都閩府會同本縣督帶兵役前往傳集紳士吳泰來等開工挑挖外合就出示曉諭爲此示諭蔗園村唐姓竝各姓人等知悉所有該處柵下北便坦田已斷歸紳士吳泰來等買受應聽該紳士多雇工人趕緊拆挖深通以利水道其田價銀四百七十兩現在貯庫爾等應即赴案領回另行買受管業此奉大憲批行會同文武帶兵督拆之案爾等倘敢不知法紀出頭抗拒不聽將田開挖者定即按名嚴拏從重究辦不日督

佛山忠義鄉志卷十七

鄉禁 一二十六  
清涌碑示

憲親臨查勘該紳士等務須多集人夫查照應開之處趕緊挑挖報竣其石路步頭仍舊築好歸作地方公眾出入官路利濟行人各宜凜遵毋違特示

道光五年十月初四日

### 文閣前北坦田照

特調南海縣正堂加七級紀錄十一次徐 爲給照管業事案據職員吳泰來吳鳳髦舉人林梁洗沂等呈稱佛山地勢南涌北海上流西北兩江之水自大富圍直至柵下海口而去近緣涌河淤塞柵下塔前一帶被蔗圍村民唐應昌等藉買海旁田畝佔築石路有礙宣洩等情一案先經本縣親詣勘明飭據唐應昌等繳驗印契二紙係原買區李兩姓土名柵下北便及文閣前坦田載稅十八畝零五分又半截契尾一紙唐應昌等稱係原買區效芬子

戶田稅七畝因原契被蝕無存等情核對推收糧冊相符隨斷令唐應昌等將該田賣與吳泰來等開挖以通水道業據兩造具遵吳泰來等亦將田價銀四百七十兩繳庫在案乃有鄉老何道祥藉稱廟產眾人不願立賣爲詞上赴各憲翻控現奉督憲因唐姓另犯別案飭令會同廳營多帶兵役將該田照斷押拆大加通濬惟糧從田出今變田爲河吳泰來等情願認納錢糧雇工挑挖併開具收稅戶口結狀稟繳前來除在於唐姓原納平洲堡三十五圖十甲白伍承戶內割出前項田稅一十八畝五分又于平洲堡三十五圖六甲唐文富戶內割出稅七畝共割稅二十五畝五分收歸佛山堡二十圖另戶靈應祠戶內輸糧併通詳立案外合行給照遵守爲此照給該職員等即便遵照將田開挖此係當官承買之業永作涌河俾水勢暢流以免附近被淹是亦該職員等自衛地方起見嗣後遞年銀米卽于靈應祠戶內照數完納毋稍拖欠亦不得藉稅私行估築如有唐姓人等出頭冒爭許卽指明稟究毋違須照右照給職員吳泰來等收執

道光五年十一月初七日工典房承

禁搭蓋佔築涌河官埠官路碑示

特調南海縣正堂加七級紀錄十一次徐 爲曉諭永遠遵守事案照佛山紳士吳泰來等呈稱切佛山地勢南涌北海上流西北兩江之水自大富圍直落從柵下海口而去近緣涌河淤塞已將各處疏通惟柵下塔前及炮臺一帶被蔗圍村民唐應昌等藉有海旁田畝任意佔築石路阻礙下流等情當經本縣親詣勘明飭據唐應昌等繳驗印契二紙係原買土名柵下北便及文閣前坦田載稅十八畝零五分又半截契尾一紙唐應昌等稱係原買區

效芬之子戶田稅七畝因原契被蝕無存等情核對推收糧冊相符隨斷令唐應昌等將該田賣與吳泰來等歸眾挑挖開涌所有石路仍舊築好步頭留與蔗圍村民灣泊農艇其橫水渡亦聽蔗圍村民開擺取具遵結附卷隨據吳泰來等將田價銀四百七十兩稟繳給何道祥唐壯岳等領回將前項共田二十五畝五分收歸佛山堡二十圖另戶靈應祠輸糧給照該紳士等收執竝稟奉督憲批行飭將涌河大加疏濬連田開挖在案茲據吳泰來等具稟業已開挖工竣所有涌河長短闊狹丈尺界至俱經豎杙勒石其石路步頭亦已遵示修好築回作為官路官埠以利行人任從四鄉農艇開擺灣泊叩乞通詳立案給示勒明官埠官路嚴禁復行佔築沿涌居民永遠不得搭築填淤以杜後患等情計粘繳涌河界至清冊一本繪圖一紙前來除批揭示竝通詳立案外合行

佛山忠義鄉志卷十七

鄉禁

一二十八

禁佔築涌河

出示曉諭為此示諭佛山紳士及蔗圍村各姓竝沿涌居民諸色人等知悉所有佛山文閣前北坦田至對面柵下汛河面計闊三十二丈五尺又汛地上至對面李家田基側河水入口處計闊十丈零二尺水閘外礮臺前河面計闊二十一丈四尺現經疏通永作涌河其柵下海口石路步頭係屬官路官埠任從蔗圍村民及四鄉農艇灣泊其蔗圍村橫水渡亦聽其開擺以利行人自示之後禁止沿涌居民永遠不得在于涌河及官埠官路搭蓋佔築以致淤塞倘敢抗違一經告發或被查出定行嚴究各宜凜遵毋違特示

道光六年五月二十三日

### 禁拆賣祠墓告示

廣州府正堂胡 為串毀祠墓聯乞賞示永禁事現據候選訓導

吳清運等赴府呈稱竊以先民建祠立墓期展孝思平人滅主毀墳尙干憲典職等現查佛山鄉內慘見各姓列祖祠墓拆掘紛紛鬼哭人悲實傷風化蓋緣木石舊料價日倍增墓經發迹人多覬覦不肖子孫營私忘祖輒起貪謀而土豪奸商乘機漁利重賂串毀唆誘多端由是族惡涎賄糾黨成羣或托以垣墉漸壞頂換修新或捏以風水不佳改扞另葬一有沮止百喙交爭甚至小人眾而君子獨多遭誣陷皂白難分更有窺伺封篆零撬偷挖扭送莫及種種作弊防護殊難忖思祭器雖貧不鬻坵木待用不斬矧屬祠墓豈容擅易乃原夫勒賣之人皆因漁利者賄唆而起設使焚買畏法則勒賣亦屬徒勞仰維仁憲關心孝治卹及先民當此澆風方長亟須早爲防制去年十一月何寅斗以祠危待救事曾邀賞示嚴禁在案用敢聯叩崇轅乞恩通賞示禁勒石准飭各姓祠

墓永遠不得買賣併行縣司曉諭如有藉端拆掘雖祠墓外祖業半椽尺土一經鄉族出首卽拘買者繳回契物賣者繳價充公仍懇按律嚴辦縱已封篆許該處更保及看守人等扭送庶賄買知有後累勒賣終須吐還澆風賴息先祖賴安歿存永感等情據此當批候分別出示嚴禁以垂久遠並候行縣知照在詞除揭示並行南海縣知照外查盜賣盜買祠墓大千法紀先據生員何寅斗赴府具呈當經出示嚴禁在案茲據呈前情合再出示嚴禁爲此示諭該鄉衿耆更保及軍民人等知悉爾等建立各祠墓原爲祖靈憑依之所凡屬子孫理宜恪守祀奉以垂久遠豈容藉端變賣及零星拆毀挖掘頂換轉售自示之後所有該處各祠墓及所遺外業永禁不得擅買擅賣並零星拆掘頂換轉售倘敢違許該鄉衿耆及看守祠墓人等隨時就近赴地方官稟控嚴拏押追原

物照舊修復並將擅賣擅買之人從嚴究懲決不姑寬各宜凜遵毋違特示

道光十年九月初六日

禁正埠私佔踞擺示

欽加知州銜特調南海縣潘 爲示禁事現據職員吳鳳髦舉人洗沂等詞令抱告吳陞赴轅呈稱切職等鄉內正埠餘地一向搭蓋租賃以資廟中公費後被匪徒陳亞潤等硬佔經前分憲徐巡司孫示禁仍歸公用職等上年呈台蒙恩詳明上憲准照舊搭蓋如有匪徒藉端私佔阻礙通衢仍許職等查明稟究毋稍瞻徇職等伏思匪徒間有覬覦與其事至呈究孰若先爲禁止以體仁臺使民無訟至意爲此叩謝鴻慈乞恩給示祇許承租人等照舊日勘定界至搭蓋有事拆去其餘無得藉端添佔以安閭井實爲德

佛山忠義鄉志卷十七

鄉禁

三十

禁正埠私佔

便切赴等情到縣據此當批候核案給示在詞除揭示外查本案先據職員吳鳳髦等以正埠餘地經王分憲詳明各憲搭蓋租賃以供靈應祠公費後被奸民佔據又經監生岑天祐等稟徐分憲行前五斗司孫巡檢勘明照舊丈尺搭蓋租賃嗣被五斗司吳巡檢出詳分憲押拆等情上赴各憲呈控批行查詳當經飭行五斗司司蕭巡檢查明該處餘地係屬照舊搭蓋並無阻礙前任吳巡檢因承賃之人添擺過多以致詳請押拆並無別故等情詳覆前來又經詳奉各憲批行准其照舊搭蓋毋許匪徒藉端添佔在案茲據前情合行出示嚴禁爲此示諭該處值事及租賃人等知悉爾等止許遵照舊址搭蓋租賃如遇公事往來卽行隨時拆除事畢搭還毋許奸徒藉端添佔如有添佔私收阻礙通衢許該處紳士查明稟究各宜凜遵毋違特示

道光十年十月二十日

禁山棍盜墳告示

賞戴花翎在任候補府特授廣州佛山海防督捕水利分府吳  
爲出示嚴禁事現據禦字分局職員梁家椒稟稱竊治屬石灣一  
帶山岡屬內鄉民多有在各岡安葬先人墳塋纍纍惟查各岡附  
近鄉村有等匪徒名曰山棍自恃土豪專以毀滅墳墓埋沒骨殖  
盜賣墳地爲正業光緒三年間經陳前憲出示嚴禁頗稱斂迹無  
奈日久弊生復萌故智盜挖者逃聽寒心職有祖山在於該處之  
大杉岡來翔岡等處均被匪徒疊次侵害且每屆清明掃墓之際  
其被匪毀滅墳墓埋沒骨殖盜賣墳地者時有所聞致被害者抱  
恨終天無由昭雪言之實堪痛恨有此土棍慘酷肆行毀滅盜賣  
若非仰仗憲威大申禁令從嚴查拏懲辦則匪等膽愈大害更無  
窮用特叩稟仁階伏乞恩准迅賜示諭嚴禁查拏懲辦庶匪徒知  
儆而各家墳塋賴以安堵等情據此除批示並飭差查拏外合亟  
出示嚴禁爲此示仰諸色人等知悉爾等須知毀墳開棺罪千大  
辟自示之後如有山棍貪圖地價將人墳墓毀滅盜賣者一經查  
出或被告發本分府定必從嚴按辦決不姑寬其各慎遵毋貽後  
悔切切特示

光緒三十一年三月日示

佛山清庄四衛告示

署南海縣五斗口分

司繆

特授兩廣鹽運司分司佛山海防分

府文

署廣州協鎮右營都閩府儘先補用都府世襲騎都尉朱

署廣州協鎮右營左部分府林

爲出示曉諭事現據紳士駱天保冼森何增祜馮文溥戴鴻憲何增慶戴鴻惠值事馮永祿梁業顯郭廣居鄭有僑伍福霖梁進榮鄧世隆譚志培區吉慶龐錦昌黃順源湯國華黎瑞雲李植生麥喬昌合盛泰晉豐號等呈稱竊以佛山比戶星羅庶商咸集或有遽成委蛻弗能卽覓眠牛所以前人立有压次俾停棺柩卽如新園竹院城門頭綠陰深處等誠以便利四方暫爲權厝之謀矣乃者温序游魂滯而莫返陶公窀穸竟無期屢易星霜剝深風雨等汗牛之充棟比集蝟以成羶紳等目擊遺骸感深鉅愴間有停棺卽座亦虞積壓良多爰集同人共襄善舉醵金鼓舞集腋裘成憫夜臺之枯骨圖買青山葬旅櫬之孤魂名留白石誠恐压主勒索藉萌芽以生端葬工偷閒任潦草而了事乞准會銜出示庶使幽魂得妥九泉沾澤骨之仁黎庶臚歡億姓切同心之戴矣等情

佛山忠義鄉志卷十七

鄉禁

三十二

清庄告示

據此查清理棺压掩埋遺櫬澤及枯骨造福非淺誠恐各庄夫及土工人等或不能力襄善舉致有阻撓殊不足以資善事除批揭示外合行出示曉諭爲此示仰新園竹院城門頭綠陰深處各庄夫人等知悉爾等承管各庄如有多年停厝遺棺務隨同值理人等認真清理不得藉端需索致負諸紳商樂善之忱其承辦葬事土工亦須實力奉行毋得潦草了事自示之後倘有前項情弊許紳商值理指名稟控定必從嚴拘究其各凜遵無違特示

光緒十四年十一月日示

義山在石  
灣鳳凰岡

清庄告示

南海縣公署佈告 第拾號

爲佈告嚴禁事現據李眾勝堂李兆基呈稱佛山習慣莊房規則限借三年倘三年外仍未遷葬又不給打掃各款銀兩者任從該

庄將棺柩置之荒地主客訂明彼此情愿各無異言查城門頭大庄建設百餘年其借停棺柩依期限遷葬者固多而過限停至數十年屢催不葬者仍復不少查其緣因有二一則停棺後因家貧無力購地以至不能安葬者有之一則停棺後因子孫身故無人料理以至不能安葬者有之自乙卯年水災全鎮淹浸佛山舖屋鮮有不被其損害而城門頭大庄爲尤慘當時水勢冲激其中古柩廢壞骨骸隨水而去或有混入瓦礫泥土之中種種淒涼實屬耳不忍聞目不忍睹商痛念感深愴鉅亟欲捐資購地將古柩代爲安葬其有後人者邀其後人認回拜掃其無後人者安碑標誌俟其親屬認回如此辦理亦覺生順死安憫遊魂之久滯圖買青山俾枯骨之有依名留白石恐奸人鼓衅雖無事而生端土工偷閒或糊塗而塞責迫得呈乞給示嚴禁土豪勢惡阻撓勒索庶死者沾澤骨之仁生者切同心之感等情據此除批揭示外亟應嚴禁爲此佈告諸色人等知悉無得藉端阻撓勒索滋生事端倘敢抗違一經指出實行查拿究罰決不姑寬各宜凜遵此佈

中華民國六年六月二十日

知事周銘忠

### 義山

一在鳳林岡 一在獅岡

南海縣公署佈告第一五九號

爲佈告事案據佛山警察第四分駐所巡官冼瑛呈稱佛山向有花子大骨七行居民有凶喜二事每登門討賞任情強索前清佛山自治會已訂立規章呈請出示頒行遵守弊端少戢民國成立彼輩以爲前令消滅故態復萌後由利羣社紳蔡頌康等于民國元年三月重訂章呈准前廣東警察廳長陳立案給示遍發通告

家諭戶曉強索之風遂爲靖絕數年以來相安無異不料日久玩生前章遂不遵守刻據紳商各界到所面稱因凶喜事而被花子強索騷擾者更僕難數請爲詳請重申禁令以維治安等情前來自屬實情查前利羣社取締花子章程最爲完密惟該社今已自行解散花子遂以爲章程無效肆意強索佛山向例除各土著世家向不給賞外凡居民有凶喜二事莫不被其騷擾惡習已久欲盡排除未免過激惟有將前利羣社章程重加釐訂以期妥善擬請准予給示飭知各警所實力干涉當地更保無許包庇俾居民有凶喜事宜照章賞給不至再罹騷擾之害並擬具章程二十一條到縣據此查核所擬取締花子強乞章程尙屬可行自應照准辦理除飭行各警所一體查照辦理外合行佈告該鎮更保并各行花子人等一體遵照嗣後居民有凶喜事悉照後開章程辦理

佛山忠義鄉志卷十七

鄉禁

三十四

禁花子強索

不准肆意強索藉端騷擾更保人等亦無得包庇如敢故違定卽拘案嚴究決不姑寬各宜凜遵切切此佈

計開

一 婚嫁大喜事殷富之家照向章七行共給門口利是銀二錢壹分如中下之家祇用鼓樂一副及不用鼓樂者均折半賞給銀一錢零五釐至行聘受聘之日向章無論殷實中下之家均不賞給門口利是

二 行聘之家回盒茶菓禮脚不得討賞受聘之家禮餅食物不得討賞

三 如外鄉來鎮內迎娶由陸來不得攔途討賞由船艇灣泊步頭到起轎落轎祇賞給花子七行利是銀二錢一分不得多勒分文該舖保練亦不得討步頭利是

四續娶如在儀仗花轎店及各廟前曠地起轎經在該宅賞給門口利是別舖及本舖花子不得討賞

五嫁女嫁婢回門燒豬花錢不得討賞

六娶妾及再醮婦祇賞給花子七行共門口利是銀二錢一分更練花子不得攔途截轎強索或搭渡船不得在河干水步強索步頭利是

七嫁婢祇賞給花子七行共利是銀二錢一分不得索討花錢等項

八婦女再醮祇賞給花子七行門口利是銀二錢一分別舖更練不得討賞并不得攔途勒索或搭渡船不得在河干水步強討步頭利是

以上第六七八條相沿日久最爲惡習更練花子朋比爲

佛山忠義鄉志卷十七 鄉禁 二三五  
禁花子強索

奸遇有娶妾及娶再醮婦任意勒索攔途截轎少則三四元多則十元八元必贖所欲而後止今特一律禁革以省滋擾

九新建祠堂崇陞大屋進伙照向章賞給花子門口利是銀二錢一分如舊屋重修租賃遷居一概不得討賞以示區別  
十行店新張生意無論大小均照向章賞給花子七行共利是銀二錢一分如尋常開張開市不得討賞

十一當押舖新張祇賞給花子七行門口利是銀七錢二分已屬格外體恤此外不得強索別項銀錢

十二祝壽如有鼓樂及確係七八九旬壽慶祇照給門口利是銀二錢一分

如尋常壽辰一概不給

十三尋常喜事一概不得討賞門口利是

十四大喜事用館子酒菜四席以上祇准在街靜候客散由主家飭工人將殘菜一席酒一壺飯一盂置諸門外賞給不得喧嘩登門求賞以免偷竊等弊瞽目及貧老照向章賞給飲食一次瘋疾人等一概驅逐如尋常喜事不及四席或廚役自辦一概不給并不折銀

十五喪事無論貧富及行店生意大小尼菴女齋堂靜室一概不得討門口利是誠以有喪之家猝遭大故哀痛之餘若輩強索不休尤爲背理今特革除淨盡

十六棺柩出入庄房及運往別處落艇或由外運回安厝更練花子一概不得攔途勒索及在河干水步討賞步頭利是及各項利是

佛山忠義鄉志卷十七 鄉禁 二二六  
禁花子強索

十七喪家在本宅或在菴堂寺觀庄房建法事如有起旛賞給起旛利是銀二錢一分如不起旛祇誦經開西方路一律不得討賞各項利是

十八喪事及七旬虞祭用館子酒菜不及四席者一概不給賞并不折銀如四席以上照第十四條規則給賞惟不得強索  
十九以上規則實爲保衛治安起見凡屬鎮內四沙無分水陸卽船戶蛋民一律照章辦理以昭劃一各花子大骨宜恪遵禁令倘敢故違任由主家在警界內者卽交站崗警察拘解警署懲治如未辦警察之區卽傳知該舖保練扭送就近軍隊懲治

二十如該舖更保有扶同庇縱由主家報知警所團局卽時提案  
革懲

二十一此規章自通告後永遠實行如有新居新張或外鄉遷入未及週知者可隨時到佛山保衛團局領取抄白告示不取分文

中華民國十一年 五月 三十日

縣長李寶祥

修基告示

南海縣知事兼警察長李寶祥 示現據佛山石角柵下永豐維則隔沙各圍修基公所值理梁妹胡軒蒞李慎存阮和益等呈稱竊佛鎮在存院圍內石角柵下永豐維則隔沙各圍共稅約一十六頃餘原基長二千餘丈南北則水陸交衝東西則大河環繞每歲西潦暴漲田園廬舍多爲淹浸歲辛亥尤烈因基過低泛濫多處或土質鬆浮潰決巨口圍內盡成澤國農田損失當以萬計傷

佛山忠義鄉志卷十七 鄉禁 二十七  
修基告示

心慘目不忍卒覩是歲秋闌欲事興修因公款缺乏人事未就差遲至今始 修築查基圍在大基尾蟠岡渡頭一帶近接大河最關緊要前因麒麟門東勝上下街各舖店等作梗不能加築乃豎甲石閘板於各舖戶門首潦至則培土爲基潦退則去泥安業誠非得已之舉而崩決多在於是故此次修基注力斯點在東勝下街舖後啟明里買舖屋九間又東勝上街長巷口買舖屋三間從新建隄由麒麟門至東勝橫街止共長七百餘丈則殺其水勢崩決可免其餘原基之低陷者滲漏者增厚之竇門閘板之窳敗者修理之舊決者培補之需費甚鉅籌款之方先將修基公所前置蟠岡土名彭官塘田壹坵該稅七畝餘小淪涌田壹坵稅三畝餘當眾拍賣得銀貳仟貳佰兩以爲工費基本次向圍內業戶派捐除償還歷歲救基揭入捌佰餘兩外盡數置買產業以爲歲修之

用若因建新基買入舖屋共拾貳間則照原契加三給值此修基之大畧情形也雖事關公益所擬章程均由公定仍恐地方痞棍有意阻撓或強橫業戶抗繳捐費或糾眾脅制意圖破壞與新基劃入舖屋不願得價讓與均于要工有礙故特將修基章程除投明大魁堂及通知各業戶外理合呈明伏懇賞示曉諭業戶及圍內人等俾知修基乃防患未然之舉於圍內人民生命財產關係甚大倘有阻撓情事許敝公所指名稟究以重公益等情到縣據此當批修築基隄原爲保衛地方防患未然起見現擬集捐經費培修永豐維則隔沙各圍工程既係眾議僉同事關公益應準給示曉諭從速興工實力經理俾資鞏固章程圍圖附在詞除揭示外合行出示曉諭諸色人等知悉須知修築基隄原爲保衛地方起見爾等毋得藉端抗拒致干查究切切此示

佛山忠義鄉志卷十七

鄉禁

三十八

修基告示

中華民國二年一月二十八日